

PODACI O PROJEKTU

Projekat opštinskog okolišnog upravljanja (MEG) – Faza II

Bosna i Hercegovina – Februar 2022



Schweizerische Eidgenossenschaft
Confédération suisse
Confederazione Svizzera
Confederaziun svizra

Ambasada Švicarske u Bosni i Hercegovini



KAKO UNAPRIJEDITI OPŠTINSKU UPRAVU DA EFIKASNije ODGOVORI NA POTREBE GRAĐANA?

Projekat Općinskog okolišnog upravljanja MEG II (2021-2025. godine) sastavni je dio šireg skupa reformskih i investicionih intervencija u Bosni i Hercegovini, vođenih Zajedničkom vizijom za unapređenje usluga vodosnabdijevanja i upravljanja otpadnim vodama u BiH 2021-2028. godine, podržanih kroz više različitih projekata finansiranih od Vlade Švajcarske, EU, Svjetske banke, EIB, EBRD, Vlade Švedske.

Na osnovu dobrih praksi prve faze MEG projekta (2016-2021. godine), MEG II otvara put za privlačenje velikih infrastrukturnih investicija na lokalnom nivou na osnovu poboljšane politike i regulatornih okvira, kao i sposobnosti lokalnih samouprava da održivo i efikasno upravljaju investicijama.

Projekat će se sprovoditi u 31 jedinici lokalne samouprave: Bijač, Bosanska Krupa, Bosanski Petrovac, Busovača, Bužim, Čapljina, Čelinac, Čitluk, Doboj Istok, Gacko, Gračanica, Gradiška, Ilijaš, Istočno Novo Sarajevo, Laktaši, Ljubuški, Mostar, Mrkonjić Grad, Odžak, Orašje, Prijedor, Prnjavor, Sanski Most, Srbac, Šamac, Široki Brijeg, Teslić, Tešanj, Tomislavgrad, Trebinje i Žepče.

Projekat bitno doprinosi Bosni i Hercegovini na ispunjavanju zahtjeva iz procesa pristupanja EU u oblasti okoliša i Ciljeva održivog razvoja Ujedinjenih nacija (SDGs).

CILJEVI PROJEKTA

MEG II će nastaviti da doprinosi poboljšanju i demokratizaciji lokalne uprave u BiH i pravednijim, kvalitetnim i učinkovitim javnim uslugama za sve građane, posebno uslugama vodosnabdijevanja i upravljanja otpadnim vodama (vodnim uslugama).

Drugim riječima, projekat će doprinijeti uspostavljanju modernijih i ekonomičnijih javnih usluga u lokalnim zajednicama koje su orijentisane ka građanima i građankama, posebno vodnih usluga kao ključnim činiocima zaštite zdravlja ljudi i okoliša.

ŠTA OČEKUJEMO?

MEG II projekat teži da:

- Državne, entitetske i kantonalne vlasti uspostave povoljniju javnu politiku i regulatorno okruženje koje afirmiše lokalnu upravu usmjerenu na rezultate i poboljšane vodne usluge.
- Lokalne samouprave poboljšaju svoj učinak, da budu odgovornije, inkluzivnije i rodno odgovorne, te da pružaju usluge visokog kvaliteta, posebno u sektoru voda.
- Građani, uključujući najugroženije, imaju pristup vodnim uslugama koje se pružaju na efikasniji, odgovorniji i održiviji način.

Očekuje se da u širem obuhvatu preko milion građana i građanki BiH ima korist od poboljšanih javnih usluga u okviru projekta.

Ambasada Švicarske u Bosni i Hercegovini

Zmaja od Bosne 11, Zgrada RBBH, objekt B, BiH-71000 Sarajevo

Tel. +387 33 27 58 50, +387 33 25 40 30, Fax +387 33 57 01 20

E-Mail: sarajevo@eda.admin.ch

www.eda.admin.ch/bosnia-and-herzegovina

AFIRMACIJA DOBRE UPRAVE

MEG II će podržati uspostavljanje sistema upravljanja učinkom u 31 partnerskoj lokalnoj samoupravi u BiH, čime će se afirmisati dobra lokalna uprava, efektivno, inkluzivno i rodno odgovorno pružanje javnih usluga. Partnerske opštine čine 21% lokalnih samouprava širom zemlje. Učešćem u projektu poboljšaće svoje sposobnosti upravljanja razvojem, rukovodeći se standardima performansi obuhvaćenim Okvirom dobrog lokalnog upravljanja (Good Local Governance Framework – GLG). Dio projekta su i finansijski podsticaji prema učinku, usmjereni na unapređenje javnih usluga na lokalnom nivou, sa fokusom na vodne usluge. Važan dio projekta je i upotreba savremenih tehnologija i digitalnih rješenja.

Lokalnim samoupravama biće pružena i podrška u provođenju godišnjih anketa o zadovoljstvu građana javnim službama, kako bi se identifikovale slabosti u javnoj službi za koje građani smatraju da ih je potrebno poboljšati. Istovremeno će se raditi na jačanju kapaciteta lokalnih skupština i rukovodstava da dosljedno unapređuju svoj rad i kvalitet javnih usluga, odgovornost, transparentnost i efektivnost, sa fokusom na građane lokalnih zajednica u kojima žive i rade.

MEG II će takođe podržati kreiranje transparentne tarifne metodologije i uvođenje pravičnih subvencija za vodne usluge za korisnike u stanju potrebe, što će utvrđivati jedinice lokalne samouprave u saradnji s centrima za socijalni rad. Biće obezbijedena visokokvalitetna tehnička pomoć za jačanje tehničkih, finansijskih i institucionalnih/organizacionih kapaciteta vodovodnih preduzeća i njihovih održivih učinaka.

VAŽNOST DOSADAŠNJIH REZULTATA

Druga faza će nastojati da proširi pozitivna iskustva i modele u oblasti lokalnog upravljanja i vodnih usluga, koji su ostvareni u toku provedbe MEG projekta u periodu od 2016. do 2021. godine.

Prvu fazu MEG projekta finansirala je Vlada Švajcarske sa 22 miliona BAM i proveo UNDP BiH, u saradnji sa širokim spektrom učesnika, radeći direktno sa 18 jedinica lokalne samouprave u BiH. MEG je doprinio poboljšanju njihovog rada jačanjem procesa upravljanja, interakcije između donosilaca odluka i građana, kao i podrškom kapitalnim investicijama za razvoj. Procenat domaćinstava sa pristupom bezbjednim uslugama vodosnabdijevanja i kanalizacije porastao je na 77%, odnosno na 39% u 2021. godini (u poređenju sa 68% i 32% u 2016. godini kada je projekat započeo). Poboljšan je model ugovora o javnim vodnim uslugama, uspostavljen je sistem subvencionisanja socijalno ugroženih građana i poboljšano je tarifiranje za vodu, čime su postavljeni temelji dugoročne održivosti vodnih usluga. Unaprijeđen je javno-privatni dijalog, mobilisano oko 3,5 miliona u KM za investicije u privatnom sektoru i otvoreno je 309 novih radnih mjesta u partnerskim lokalnim zajednicama.

SAŽETAK PROJEKTA:

NAZIV:

Projekat opštinskog okolišnog upravljanja (MEG) – Faza II

DOMENA:

Lokalna uprava i opštinske usluge

ZEMLJA / REGIJA:

Bosnia and Herzegovina

PARTNERI:

UNDP BiH – provedbeni partner, Ministarstvo vanjske trgovine i ekonomskih odnosa Bosne i Hercegovine, Ministarstvo pravde Federacije Bosne i Hercegovine, Ministarstvo uprave i lokalne samouprave Republike Srpske, Ministarstvo poljoprivrede, vodoprivrede i šumarstva Federacije Bosne i Hercegovine, Ministarstvo poljoprivrede, šumarstva i vodoprivrede Republike Srpske, savezi opština i gradova i udruženja i mreže profesionalaca u sektoru voda, 31 jedinica lokalne samouprave.

POLAZNA TAČKA / POZADINA:

Projekat je nastavak uspješno realizovane prve faze, čiji su rezultati pokazali da je neophodan dalji rad i proširenje broja lokalnih zajednica u kojima će se uvesti održivi modeli dobrog upravljanja.

CILJ PROJEKTA:

Cilj projekta je da doprinese demokratizaciji lokalne uprave u Bosni i Hercegovini i pravednijim, efektivnijim i efikasnijim javnim uslugama za građane, posebno vodnim uslugama.

CILJNA GRUPA:

31 jedinica lokalne samouprave, 23 partnerske institucije, najmanje 750 službenika i rukovodilaca opština i 150 rukovodilaca i službenika vodovodnih preduzeća, najmanje 14000 građana/ki.

BUDŽET:

USD 13,699,636

(od čega je švicarsko učešće CHF 6,270,000, odnosno USD 6,600,000)

TRAJANJE:

1. april 2021. – 31. mart 2025. (4 godine)

Zajedno ubrzavamo napredak

